

國家圖書館藏

稀見明史史籍輯存

總發行局

(清) [佚名] 編

明季烈臣傳(六)

《明季烈臣傳》目錄

第六冊

趙光抃 范志完 楊鶴 楊鶚 陳奇瑜 元默 熊文燦 洪雲蒸 練國事 丁啟睿 丁魁楚 鄭崇儉 方孔炤 楊一鵬 邵捷春 余應桂

高斗樞 張任學 孫傳庭 宋一鶴 沈壽崇 蕭漢 馮師孔 黃綱 章尚綱 吳從義 崔爾達 林日瑞 郭天吉 蔡懋德 趙建極 毛文炳 藺剛中 畢拱辰

孫康周 范志泰 房之屏 楊家龍 閻夢夔 衛景瑗 朱家仕 徐有聲 李倬 朱之馮 朱敏泰 姚時中 寧龍 董用文 劉九卿 陳士奇 陳纁 王行儉

王錫 龍文光 劉佳引 劉之勃 劉鎮藩 賀逢聖 傅冠 尹如翁 南居益 南企仲 南居業 周士樸 呂維祺 呂維祐 王家楨 焦源溥 焦源清 李夢辰

宋師襄 麻僖 王道純 田時震 朱崇德 朱國棟 范景文 倪元璐 李邦華 王家彥 孟兆祥 孟章明 施邦曜 凌義渠 馬世奇 吳麟徵 周鳳翔 劉理順

汪偉 吳甘來 王章 陳良謨 陳純德 申佳允 成德 許直 金鉉 馬從聘 耿蔭樓 張伯鯨 宋玫 宋繼登 宋琮 宋應亨 陳顯際 趙士驥 沈迅 范淑泰 高名衡

王漢 徐汧 楊廷樞 徐枋 鹿善繼 鹿化麟 薛一鶚 曹文詔 曹文耀 周遇吉 黃得功 馬世龍 楊肇基 賀虎臣 賀讚 賀誠 沈有容 張可大 張可仕 魯欽 魯宗文

秦良玉 龍在田 艾萬年 李卑 湯九州 楊正芳 楊世恩 陳于王 程龍 侯良柱 侯天錫 張令 汪之鳳 猛如虎 劉光祚 虎大威 孫應元 姜名武 王來聘 鄧祖禹 尤世威

王世欽 王世國 李昌齡 劉廷傑 侯世祿 侯拱極 劉國能 李萬慶 賀世賢 尤世功 童仲揆 陳策 周敦吉 張神武 羅一貫 劉渠 祁秉忠 滿桂 滿祖壽 趙率教 朱國彥

官惟賢 張奇化 何可綱 黃龍 李惟鸞 金日觀 楚繼功

趙光祚

范志完

楊

鶴

從弟鷄

陳奇瑜

元默

熊文燦

洪雲蒸

練國事

丁啟睿

從父魁楚

鄭崇儉

方孔炤
楊一鵬

邵捷春

余應桂

高斗樞

張任學

趙光祚字彥清九江德化人父贊化工部郎中光祚舉
天啟五年進士鄉人曹欽程父事魏忠賢驟得太僕少
卿光祚語之曰富貴一時名節千古君不可不審欽程
惡之即日出贊化為南寧知府南寧惡地贊化佗僚而
死光祚奔喪歸崇禎初服闋除工部都水主事歷兵部
職方郎中十年秋遣閱薊遼戎務盡得邊塞形勢戰守
機宜列十二事以獻明年冬
大清兵入密雲總督吳阿衡敗歿廷議增設巡撫一人

駐密雲、遂擢光祿右僉都御史任之。至即發監視中官
鄧希詔奸謀。帝召希詔還。而令分守中官孫茂霖覈實。
茂霖為希詔解。光祿反得罪。遣戍廣東。十五年兵事益
急。廷臣薦光祿復官。光祿家素饒。聞命持數萬金入都。
為軍資。既至。召見德政殿。奏對稱旨。拜兵部右侍郎兼
右僉都御史。總督薊州、永平、山海、通州、天津諸鎮軍務。
大清已克薊州。分兵四出。命光祿兼督諸路援軍。諸援
軍觀望。河間迤南皆失守。光祿不敢救。尾而南。已聞塞

上警又驅而北。廷臣交章劾光抃謂列城被攻不救退
回高陽坐視淪覆。明年復論光抃及范志完。四月
大清兵北旋。光抃唐通白廣恩等八鎮兵邀於螺山皆
敗走。帝聞大怒。既解嚴與志完並獲譴。帝召見雷縯祚
縯祚詆志完而稱光抃。帝曰志完光抃逗遛河間獨罪
志完渠服其心乎。遂并逮光抃。光抃嘗薦廣恩。廣恩抗
不赴召。帝以是惡光抃。卒與志完同日斬於西市。光抃
才氣豪邁而於大慮亦疎。在職方深為尚書楊嗣昌所

倚曰吾不及光祚先是毛文龍據東江海疆賴之文龍
死陳繼盛黃龍沈世魁代其部往往為亂中朝又素以
縻餉為憂及世魁死島中無帥光祚從史嗣昌撤之二
十年積患一旦而除而於邊計亦左焉光祚雖文士有
胆決嘗遇敵諸將欲奔光祚坐地不起久之乃引歸其
起戎中也將士不相習猝遇大敵先胆落故所當輒敗
然受事破軍之餘身先被創顧與志完同誅人咸以為
冤福王時太僕萬元吉奏復其官范志完虞城人崇禎

四年進士授永平推官專理插漢撫賞意不欲行上疏
言權輕請得特疏奏軍事當事者惡之謫湖廣布政司
檢校擢寧國推官歷官分巡關內僉事十四年冬超擢
右僉都御史巡撫山西其座主周延儒當國遂拜志完
兵部右侍郎兼右僉都御史總督薊州永平山海通州
天津諸鎮軍務代楊繩武繩武者雲南彌勒人也由庶
吉士改授御史十一年冬用楊嗣昌薦召見吐言如流
畫地成圖帝偉之遂超擢右僉都御史巡撫順天洪承

疇因松山遂擢繩武總督尋以志完代之而令繩武總
督遼東寧諸軍出關救松錦加銜督師明年正月繩武
卒於官贈兵部尚書蔭錦衣世襲百戶遂進志完左侍
郎督師出關如繩武而以張福臻督薊鎮駐關內自王
樸諸軍敗兵力益單松錦相繼失志完乃築五城寧遠
城南護轉輸募土著實之又議修覺華島城為犄角勢
帝甚倚之六月易銜欽命督師總督薊遼昌通等處軍
務節制登津撫鎮遼事急則移駐中後前也關內急則

星馳入援。三協有警。則會同薊昌二督。并力策應。時關
內外。並建二督。而關外加督師銜。地望尤尊。又於昌平
保定。設二督。於是千里之內。有四督臣。又於寧遠。永平
順天。密雲。天津。保定。六巡撫。寧遠。山海。中協。西協。昌平
通州。天津。保定。八總兵。星羅棋置。無地不防。而事權反
不一。十五年。給事中方士亮。劾福臻昏庸。因言移督師
關內。則薊督可裁。福臻可罷。於是召還福臻。令志完兼
制關內。移駐關門。志完辭不許。求去不許。上疏言不能

兼薊請仍設薊督踰月始以趙光抃任之而

大清兵已入自牆子嶺克薊州而南下矣兵部劾志完
疎防廷臣亦言志完貪懦帝以敵兵未退責令戴罪立
功然志完無謀畧恒怯甚不敢一戰所在州縣覆沒惟
尾而呵噪兵所到剽虜至德州僉事雷縯祚劾之自是
論列者益衆帝猶責志完後效志完終不敢戰明年
大清兵攻下海州贛榆沐陽豐縣已而北旋志完光抃
卒觀望皆不進事定議罪召縯祚廷質問志完逗遛淫

掠狀志完辨問御史吳履中對如續祚言時座主延儒督師亦無功遂命下志完獄以十二月斬志完先是十二年封疆之案伏罪者三十有六人至是失事甚於前誅止志完光祿及巡撫馬成名潘永圖總兵薛敏忠副將柏永鎮其他悉置不問而保定巡撫楊進得善去山東巡撫王永吉反獲遷擢帝之用刑至是窮矣

楊鶴字修齡武陵人萬曆三十二年進士授雒南知縣調長安四十年擢御史上疏請東宮講學且言頃者愛

女被聞於宮奴、館甥受打於朝市、叩闕不聞、上書不達、
壅蔽極矣、時壽寧主壻冉興讓為掌家、宮人梁盈女、內
官彭進朝等毆辱公主、三奏不達、興讓掛冠長安門去、
故鶴言及之、尋出督兩淮鹽法、巡按貴州、貴州接壤烏
撒、去川南叙州千里、節制難、土官安雲龍死、其族人與
雷益安效良爭印、攝兵三十年、後竟為效良所據、其父
紹慶又據雷益州、皆川雲貴咽喉地、鶴請割烏撒隸貴
州、地近節制便、可弭後患、朝議不決、未幾效良為亂、如

其言貴州土官以百數水西安氏最大而土地戶口貢
 賦之屬無籍可稽鶴乃檄宣慰安位盡著之籍并首領
 目把主名承襲源委悉列上有司自是簿牒始明奸弊
 易核事竣不候命徑歸久之還朝楊鎬四路師敗鶴薦
 熊廷弼張鶴鳴李長庚薛國用袁應泰言遼事之失不
 料彼已喪師辱國誤在經畧不諳机宜馬上催戰誤在
 輔臣調度不聞束手無策誤在樞部至尊優柔不斷又
 至尊自誤當事惡其直將假他事逐之乃引疾去丁外

艱天啟初起太僕少卿擢右僉都御史巡撫南贛未任
丁內艱而廣寧又敗魏忠賢以鶴黨護廷弼除鶴名崇
禎元年召拜左僉都御史進左副都御史鶴上言圖治
之要在培元氣自大兵大役加派頻仍公私交罄小民
之元氣傷自遼左黔蜀喪師失律暴骨成邱封疆之元
氣傷自縉紳構黨彼此相傾逆奄束之誅鋤善類士大
夫之元氣傷譬如重病初起百脉未調風邪易入道在
培養時以為名言先是遼左用兵逃軍憚不敢歸伍相